




Broj: 03-45-2590-2/2024  
Bihać, 14.03.2024.godine



## SKUPŠTINA UNSKO-SANSKOG KANTONA

**PREDMET:** Informacija o stanju nasilja u porodici na području Unsko-sanskog kantona za period januar-decembar 2023. godine, dostavlja se

Na osnovu člana 96. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam Informacija o stanju nasilja u porodici na području Unsko-sanskog kantona za period januar-decembar 2023. godine, uz sljedeće:

### O b r a z l o ž e n j e

Vlada Unsko-sanskog kantona je na svojoj 30. sjednici održanoj dana 14.3.2024. godine razmatrala i Zaključkom broj: 03-02-51-366/2024, primila na znanje Informaciju o stanju nasilja u porodici na području Unsko-sanskog kantona za period januar-decembar 2023. godine broj: 05-04/04-1-04-33/24 od 20.2.2024. godine, obrađivača Ministarstva unutrašnjih poslova, koja vam se upućuje na razmatranje.

S poštovanjem.

**Prilog:** Informacija o stanju nasilja u porodici na području Unsko-sanskog kantona za period januar-decembar 2023. godine (4x)

Dostavljeno:  
1. Naslovu  
2. a/a

PREMIJER KANTONA  
Nijaz Husić, MA



Na osnovu člana 16. Zakona o Vladi Unsko- sanskog kantona (“Službeni glasnik Unsko- sanskog kantona” broj 5/08), na prijedlog Ministarstva unutrašnjih poslova, Vlada Unsko- sanskog kantona na 30. sjednici, održanoj dana 14.3.2024. godine, d o n o s i

## ZAKLJUČAK

### I

Prima se na znanje Informacija o stanju nasilja u porodici na području Unsko-sanskog kantona za 2023. godinu, broj: 05-04/04-1-04-33/24 od 20.2.2024. godine i ista se upućuje Skupštini Unsko-sanskog kantona na razmatranje.


### II

Ovaj Zaključak stupa na snagu danom donošenja.

Broj: 03-02-51-366/2024  
Bihać, 14.3.2024. godine



**BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA**



**BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERIOR**

**UPRAVA POLICIJE**

**Broj: 05-04/04-1-04-33/24**

**Dana: 20.02.2024.godine**

# **INFORMACIJA**

**O STANJU NASILJA U PORODICI  
NA PODRUČJU UNSKO-SANSKOG KANTONA  
ZA 2023.GODINU**

**Bihać, februar 2024. godine**

## SADRŽAJ

<b>I UVOD .....</b>	<b>3</b>
<b>A – Opća zapažanja o nasilju u porodici .....</b>	<b>4</b>
<b>II STANJE NASILJA U PORODICI .....</b>	<b>4</b>
<b>A – Stanje u 2023.godini .....</b>	<b>4</b>
<b>III OCJENA STANJA .....</b>	<b>9</b>
<b>A – Osnovna ocjena .....</b>	<b>9</b>
<b>B – Rezime .....</b>	<b>10</b>
<b>C – Prijedlog mjera .....</b>	<b>11</b>

## I UVOD

Izradom Informacije o stanju nasilja u porodici na području Unsko-sanskog kantona, Uprava policije Ministarstva unutrašnjih poslova nastavlja kontinuitet i praksu stvaranja preduslova da se problematika ove vrste nasilja detaljnije obradi i analizira. Mjesečni i periodični podaci vezani za nasilje u porodici prikazuju se i u izvještajima o radu Uprave policije MUP-a USK.

Nasilje u porodici predstavlja ozbiljnu sigurnosnu pojavu, čije posljedice trpi čitavo društvo i za čije je rješavanje, pored policije koja se uglavnom bavi njegovim posljedicama, potrebno angažirati i druge institucije i stručnjake različitih specijalnosti.

Izloženost žena, kao najčešćih i najbrojnijih žrtava nasilja u porodici, ima duboke korijene u patrijarhalnoj strukturi društva i tradicionalnoj podjeli spolova. Socijalni problemi i promjene u javnom životu poput rata, prekomjerno konzumiranje alkohola, neimaštine i gubljenja zaposlenja u značajnoj mjeri utiču na odnose među ljudima i pogoduju nasilju, kako u porodici, tako i izvan nje.

Nepobitna je činjenica da većina žrtava (posebno žena) ne prijavljuje nasilje u porodici, jer po svaku cijenu žele sačuvati svoju porodicu i spremne su se žrtvovati za nju, bilo zbog tradicionalnog shvatanja pojma porodice ili zbog straha od neizvjesnosti oko podizanja i odgajanja djece, nedostatka finansijskih sredstava i dr.

Nasilje u porodici događa se u cijelom svijetu i prouzrokuje duševne i tjelesne tegobe svih članova porodice, uništava porodicu, pa se ne može i ne smije tolerisati.

U skladu sa donesenim pravilnikom Federalnog ministarstva unutrašnjih poslova, policijski službenici USK-a evidentiraju podatke o krivičnim dijelima nasilja u porodici u Gender bazu, a kako bi svi podaci bili dostupni nadležnim sudovima i tužilaštvu, kao i nadležnim JU Centrima za socijalni rad.

Uprava policije Ministarstva unutrašnjih poslova Unsko-sanskog kantona je i u proteklom periodu, baveći se navedenom problematikom, ostvarila zadovoljavajući nivo saradnje, kako sa centrima za socijalni rad, tako i sa pravosudnim organima, obrazovnim ustanovama, međunarodnim i drugim organizacijama i drugim institucijama, kao i sa „Sigurnom kućom“ u Bihaću.

Posebno je značajan rad tzv. RPZ (Rad policije u zajednici) policajaca, koji su određeni za „rad policije u zajednici“, u koji je uključen i određeni broj žena policijskih službenika, a kojima žene, kao najčešće žrtve nasilja, „lakše“ povjeravaju svoje probleme u slučaju eventualnog nasilja u porodici. Na nivou MUP-a USK-a za „Rad policije u zajednici“ ukupno je angažiran 51 policijski službenik, od toga 8 policijskih službenika ženskog pola.

Također, značajan preventivni rad ostvaruje se kroz rad policijskih službenika Sektora kriminalističke policije Odsjeka za maloljetničku delikvenciju, seksualne delikte i nasilje u porodici, koji kroz praćenje stanja problematike „Nasilje u porodici“ usmjeravaju i prate rad svih policijskih službenika koji se bave ovom problematikom. Ostvarena je, također i saradnja sa vladinim i nevladinim sektorom, a policijski službenici se u kontinuitetu educiraju za rad u ovoj oblasti. Činjenica je da se žrtve nasilja sve više i češće odlučuju da prijave nasilje ali su i dalje kod jednog dijela prisutne razne zablude, strah itd., a što se može otkloniti i proaktivnim djelovanjem policije.

Policijski službenici kroz razna edukativna predavanja, samostalno ili u saradnji sa drugima, na seminarima, okruglim stolovima, kroz istupe u medijima i raznim saopćenjima za javnost na nivou općina, nastoje ojačati svijest žrtava da prijave nasilje, jer iste iz straha od nasilnika, osude sredine, ekonomske ovisnosti, zabluda, ne prijavljuju nasilje, čime se ono ponavlja i u nekim slučajevima postaje intezivnije.

Iz tog razloga „Nasilje u porodici“ također spada u sivu brojku kriminaliteta jer se mnoga djela nasilja prikrivaju, prešućuju i mogu se otkriti samo proaktivnim radom policije u zajednici.

Saznanja ukazuju da je ipak svjesnost žrtava u porastu i da se sve češće odlučuju prijaviti nasilje.

## A - Opšte zapažanje o nasilju u porodici

Nasilje u porodici je ponašanje u kojem neko nasiljem, drskim ili bezobzirnim ponašanjem ugrožava mir, tjelesnu cjelovitost ili psihičko zdravlje člana svoje porodice. Pojavljuje se u raznim oblicima kao fizičko, seksualno, psihičko, emotivno, ekonomsko, duševno i dr. nasilje. Kao žrtve nasilja u porodici najčešće se pojavljuju (supruge, a zatim, životni partneri, djeca, muž, stara i nejakta lica.

Pod pasivnim zlostavljanjem podrazumijeva se suptilan vid nasilja kao što su dvosmislenost, prebacivanje krivice, zapostavljanje, ponižavanje, omalovažavanje i sl., koje se uglavnom teško uočava kao nasilje, a obično vodi i završi kao fizičko nasilje.

Na ovim područjima i pored toga što se rat završio prije više od 29 godina, u mnogim porodicama postoje ljudi koji su prošli užase rata (logori, razna mučenja, gubljenje članova porodice itd.) što je kod njih prouzrokovalo dugoročne traume, a kod nekih je prisutan i posttraumatski stres.

Siromaštvo, nemogućnost obezbjeđenja sredstava i boljih uslova za život, patrijahalni odgoj, alkoholizam i sl., također mogu dovesti do nasilja u porodici u nekim, naročito socijalno zapuštenim porodicama.

Pored toga što je krivično djelo „Nasilje u porodici“, kao relativno novi pojavni oblik kriminaliteta, uveden tek 2003.godine (član 222. KZ FBiH) biće krivičnog djela nasilje u porodici se pojavljuje, prepoznaje i dokumentuje i prilikom obrade drugih grupa krivičnih djela kao što su: KD protiv života i tijela (ubistvo, TTP, LTP) i KD protiv polne slobode i morala (silovanje, rodoskrvnuće, bludnje radnje), te KD protiv braka, porodice i mladeži (izbjegavanje izdržavanja, napuštanje djeteta, zapuštanje ili zlostavljanje djeteta i maloljentika i sl.). Kao žrtve su pojavljuju svi članovi porodice.

U suočavanju sa navedenom vrstom kriminaliteta i dalje je potrebno vršiti edukacije policijskih službenika i adekvatno opremanje prostorija za rad sa žrtvama nasilja, a što je od posebnog značaja kada su kao žrtve nasilja identifikovana djeca. Na području kantona evidentan je nedostatak adekvatnog prostora za sprovođenje zaštitnih mjera koje izriču sudovi i pored Sigurne kuće u Bihaću ne postoji prostor sa istom svrhom na područjima drugih gradova i općina, naročito za smještaj muških žrtava, mada su takve žrtve rijede.

Promatra li se po godinama broj prijavljenih KD „Nasilje u porodici“ u periodu 2015.-2023.g. evidentan je nepravilan trend porasta od 2015.godine.

TABELARNI PRIKAZ KD „NASILJA U PORODICI“  
2015. – 2023.godina

Godina	2015.g	2016.g.	2017.g	2018.g	2019.g	2020.g	2021.g	2022.g	2023.g
KD	134	141	154	137	173	147	147	157	154
Ukupno	1.344								

## II STANJE NASILJA U PORODICI

### A – Stanje u 2023.godini

Organizacione jedinice Uprave policije su u 2023.godini evidentirale ukupno prijavljenih 154 krivična djela „Nasilje u porodici“, a što je manje za 3 ili 1,91% u odnosu na uporedni period 2022.godine i prijavljenih 46 prekršaja iz Zakona o zaštiti od nasilja u porodici, što ukazuje na povećanje broja prekršaja za 3 ili 6,9%. Kada se zbroje broj krivičnih djela i prekršaja po Zakonu o

zaštiti nasilja u porodici (200) dobijemo identičan broj ovih događaja (200), odnosu na 2022.godinu.

TABELARNI PREGLED UPOREDNIH PODATAKA O UKUPNOM BROJU KRIVIČNIH  
DJELA „NASILJE U PORODICI“ I BROJU PREKRŠAJA  
ZA 2023. i 2022. GODINU

GODINA	BROJ KD	BROJ PREKRŠAJA	SVEGA
2023.godina	154	46	200
2022.godina	157	43	200
RAZLIKA + -	-3	+3	=
RAZLIKA %	1,91%	6,9%	=

Organizacione jedinice Uprave policije, u periodu 01.01.-31.12.2023.godine, **evidentirale su 154 krivična djela nasilja u porodici, što je manje za 3 ili 1,91%**, u odnosu na uporedni period.

Ova krivična djela su evidentirana na području Grada Cazina (57), Grada Bihaća (38), Općine Velika Kladuša (30), Općine Sanski Most (9), Općine Ključ (9), Općine Bužim (6), Grada Bosanska Krupa (4) i Općine Bosanski Petrovac (1).

Ukupno je prijavljeno 160 lica, što je više za 2 lica ili 1,26%, u odnosu na uporedni period, od kojih su 63 povratnika, 2 maloljetnika i 95 ostalih počinioca.

Na području Unsko-sanskog kantona evidentirane su 162 žrtave nasilja u porodici (krivična djela nasilje u porodici), što je manje za 16 ili 9% u odnosu na 2022.godinu. Najčešće žrtve nasilja u porodici su žene, ukupno 74, što je manje za 49 ili 39,8% u odnosu na 2022.godinu, zatim muševci 6, što je manje za 7 ili 53,8% u odnosu na 2022.godinu i maloljetnici 37 (među kojima se nalaze i djeca), što je više za 23 ili 164%, u odnosu na 2023.godinu, dok je 45 žrtava nasilja u porodici ostali članovi porodice, kao što su djed, baka, brat, sestra, itd.. Nerijetko su žrtve nasilja u porodici djeca, što se odražava na psihu samog djeteta.

Kada su u pitanju krivična djela i prekršaji, najčešća vrsta nasilja je fizičko nasilje, gdje je evidentirano ukupno 145 slučajeva, što je više za 6 ili 4,3%, zatim psihičko nasilje 19 slučajeva, identičan broj slučajeva i ostali slučajevi 18, što je više za 4 ili 28,5% slučajeva nasilja, a sve u odnosu na 2023.godinu.

Na osnovu broja krivičnih djela i prekršaja vezanih za nasilje u porodici, koja su u nadležnosti policije, organizacione jedinice Uprave policije (policijske stanice) su nadležnim sudovima predložile izricanje 324 zaštitnih mjera, što je više za 50 ili 18,2% u odnosu na uporedni period a na osnovu tih prijedloga sud je izrekao 207 zaštitnih mjera, što je više za 28 ili 15,6%, u odnosu na uporedni period. Izrečene zaštitne mjere su: zabrana uznemiravanja i uhodjenja osobe izložene nasilju - 100, zabrana približavanja žrtvi nasilja - 70, obavezan psihijatrijski tretman -18, obavezno liječenje od ovisnosti - 12 i udaljenje iz stana kuće ili nekog drugog stambenog objekta - 7.


## ➤ KRIVIČNA DJELA

Na području Unsko-sanskog kantona evidentirano je ukupno 154 krivična djela iz člana 222. KZ F BiH (nasilje u porodici), što je manje za 3 ili 1,91%, u odnosu na 2022.godinu.

UPOREDNI TABELARNI PREGLED BROJA KD NASILJE U PORODICI PO GRADOVIMA/OPĆINAMA

OPĆINA /GRAD	2023.	2022.	RAZLIKA	
			+ -	%
BIHAĆ	38	34	+4	+45%
B.PETROVAC	1	1	=	=
CAZIN	57	44	+13	29,5%
S.MOST	9	8	+1	12,5%
KLJUČ	9	6	+3	50%
V.KLADUŠA	30	46	-16	34,7%
B.KRUPA	4	13	-9	-69,2%
BUŽIM	6	5	+1	+20%
<b>UKUPNO</b>	<b>154</b>	<b>157</b>	<b>-3</b>	<b>-1,91</b>

Prema evidentiranim prijavama, u 2023.godini, ova krivična djela najčešće su se događala na području Grada Cazina (57), Grada Bihaća (38), Općine Velika Kladuša (30), Općine Sanski Most (9), Općine Ključ (9), Općine Bužim (6), Grada Bosanska Krupa (4) i Općine Bosanski Petrovac (1), a što je vidljivo u sljedećem grafičkom prikazu:



Kada uporedimo stanje broja krivičnih djela nasilja u porodici po gradovima i općinama u 2023.godini, u odnosu na uporedni period 2022.godine, može se zaključiti da je **do povećanja** broja krivičnih djela došlo na području Grada Cazina (57) više za 13, Grada Bihaća (38) više za 4, zatim općine Ključ (9) više za 3, zatim Općine Sanski Most (9) više za 1 i Općine Bužim (6), više za 1.

**Do smanjenja** broja krivičnih djela nasilja u porodici u 2023.godini, u odnosu na 2022.godinu, došlo je na području Općine Velika Kladuša (30) manje za 16, Grada Bosanska Krupa (4) manje za 9 i Općine Bos. Petrovac (1) identično u odnosu na uporedni period.



Za krivična djela „Nasilje u porodici“ prijavljeno je 160 lica, više za 2 ili 1,26%, u odnosu na period 2022.godine, među kojima je 63 povratnika, 2 maloljetnika i 95 ostalih počinioca.

Izvršioци navedenog broja KD „Nasilje u porodici“ su u 96 slučajeva muševci, manje za 14 ili 12,7% u odnosu na uporedni period, u 7 slučajeva supruge više za 2 ili 40%, u 16 slučajeva djeca manje za 1 u odnosu na uporedni period i u 41 slučaju ostala lica.

Kada su u pitanju žrtve krivičnih djela „Nasilje u porodici“ evidentirane su ukupno 162 žrtve što je manje za 16 ili 9%, u odnosu na 2022.godinu. Žrtve su u 74 slučaja žene manje za 49 ili 39,8%, dijeca 37 više za 23 ili 100%, muševci 6 manje za 7 ili 53,8%, dok je ostalih lica bilo 45 u odnosu na uporedni period.

Broj KD-a „Nasilje u porodici“ u odnosu na 2022.godinu je u padu za 3 ili 1,91%.

Pored navedenog, nasilje u porodici, kako je već navedeno u ovoj informaciji, analizirana su i krivična djela KZ F BiH iz grupe KD-a protiv života i tijela, grupa KD-a protiv spolne slobode i morala i grupa KD-a protiv braka, porodice i mladeži.

U 2023.godini evidentirano je ukupno 247 (manje za 60 ili 19,5%, u odnosu na 2022.godinu) krivičnih djela iz navedenih grupa. i to iz grupe krivičnih djela protiv života i tijela evidentirano je 66 krivičnih djela, što je manje za 60 ili 47,6%, iz grupe KD protiv spolne slobode i morala evidentirano je 16 KD-a, što je više za 1 u odnosu na 2022.godinu, iz grupe KD protiv braka, porodice i mladeži evidentirano je 165 KD-a, manje za 1 ili 0,60%.

#### KD protiv života i tijela

U grupi krivičnih djela protiv života i tijela evidentirano je ukupno 66 krivičnih djela i to: „Ubistvo“ (2), „Pokušaj ubistva“ (3), „Teška tjelesna povreda“ (18), „Laka tjelesna povreda“ (41) i „Učestovanje u tuči“ (2).

#### KD protiv spolne slobode i morala

Evidentirano je 16 KD-a iz grupe protiv spolne slobode i morala i to: KD „Silovanje“ (4), KD „Bludne radnje“ (5), „Spolni odnošaj sa djetetom“ (3) i KD „Iskorištavanje djeteta ili maloljetnika radi pornografije“ (4).

#### KD protiv braka porodice i mladeži

Od 165 KD iz grupe KD protiv braka porodice i mladeži, pored 154 KD-a se odnosi na KD „Nasilje u porodici“, izvanbračna zajednica sa mlađim maloljetnikom (8), evidentirana su i 3 KD „Zapuštanje ili zlostavljanje djeteta“.

TABELARNI PREGLED BROJA OSTALIH KD U KOJIMA SE POJAVLJUJU ELEMENTI NASILJA U PORODICI (2015-2023)

NAZIV GRUPE KD	GODINA								
	2015	2016	2017	2018	2019	2020	2021	2022	2023
KD protiv života i tijela	28	4	105	105	86	79	82	126	66
KD protiv spolne slobode i morala	0	0	16	16	19	15	15	15	16
KD protiv braka, porodice i mladeži	138	156	162	162	182	161	158	166	165
UKUPNO	166	160	283	283	287	255	255	307	247

## **PREKRŠAJI U SKLADU SA ZAKONOM O ZAŠTITI OD NASILJA U PORODICI**

Godina	2015.g	2016.g.	2017.g	2018.g	2019.g	2020.	2021	2022	2023
Prekršaji	23	48	51	31	10	8	19	43	46
Ukupno	<b>244</b>								

U toku 2023.godine evidentirano je 46 prekršaja iz Zakona o zaštiti od nasilja u porodici, što je za 3 prekršaja (ili 6,9%) više, u odnosu na 2022.godinu, za koje su izrečene i adekvatne zaštitne mjere.

Navedeni prekršaji su se dogodili na području Općine Velika Kladuša (32), Grada Cazina (7), Grada Bihaća (6), Općine Sanski Most (1).

Broj počinitelaca navedenog broja prekršaja iz Zakona o zaštiti od nasilja u porodici je 46, dok je broj žrtava 44.

Na području Unsko-sanskog kantona prisutan je problem smještaja žrtava nasilja u porodici, jer postojeća „Sigurna kuća“ u Bihaću ima veoma mali kapacitet.

Još jednom je bitno za istaći potrebu opremanja posebnih prostorija Uprave policije MUP-a USK i njenih organizacionih jedinica, za rad sa žrtvama nasilja u porodici, gdje se nerijetko kao žrtve pojavljuju djeca različite starosne dobi, a čija zaštita je u obavezi svih institucija koje se bave ovom problematikom, u skladu sa Zakonom o postupanju i zaštiti sa djecom i maloljetnicima u krivičnom postupku.

### **III OCJENA STANJA**

#### **A / Osnovna ocjena**

Nasilje u porodici je oblik nasilja evidentiran i na Unsko - sanskom kantonu i vrši se kroz činjenje krivičnih djela, kao najtežih oblika, preko prekršaja, te incidenata koji su najlakši oblici, odnosno ostalih događaja koji mogu asocirati na nasilje ili njegovu najavu.

Iako je najvažniji oblik djelovanja prevencija, važno je istaći da se policija susreće uglavnom sa posljedicama nasilja, kada je ono poprimilo teže oblike i posljedice.

Saznanja ukazuju da ima još uvijek slučajeva skrivanja nasilja u porodici zbog stida, zablude, neupućenosti, želje da se pokuša sačuvati porodica itd., tako da se nasilje može otkriti samo proaktivnim radom ne samo policije, već i drugih institucija.

Svjesnost o opasnostima od nasilja u porodici je u porastu, čemu doprinose razne edukacije i kampanje, a posebno je važno primjenjivanje Akcionog plana za prevenciju i borbu protiv nasilja u porodici za 2017-2019 godinu, koji je usvojen na sjednici Vlade Unsko-sanskog kantona održanog 20.04.2017.godine. gdje su utvrđene konkretne aktivnosti i postupci svih nadležnih institucija,

potpisivanje Protokola postupanja nadležnih institucija u slučajevima nasilja u porodici za gradove i općine USK, Ministarstvo unutrašnjih poslova

Prema zapažanjima policije pojavu nasilja u porodici nerijetko uzrokuje teško ekonomsko-socijalno stanje društva, čija osnovna jedinica je porodica, slabljenje funkcije braka i porodice, nezaposlanost, neizvjesna budućnost, alkoholizam i zloupotreba droga, konzervativan odgoj, te shvatanje u nekim sredinama da je fizičko i drugo maltretiranje svoje žene (supruge), pa i djece dozvoljeno i normalno postupanje „glave porodice“ itd..

Na nivou organizacionih jedinica Uprave policije MUP-a USK-a određeni su policijski službenici, koji postupaju po prijavama nasilja u porodici i koji se kontinuirano educiraju i stručno usavršavaju, gdje je shodno tome:

- Dana 22.03.2023.godine održan je sastanak na temu analiza zloupotrebe vatrenog oružja u vezi sa prisustvom oružja u KD Nasilje u porodici u organizaciji MSB BiH i SEESAC . Na sastanku ispred Uprave policije je prisustvovao jedan policijski službenik.

- U vremenskom periodu od 15 do 17.05.2023.godine u Mostaru je izvršena obuka policijskih službenika na temu „Postupanje policijskih službenika po prijavama nasilja u porodici, provođenje zaštitnih mjera i gonjenje počinioca nasilja u porodici i nasilja nad ženama“ koji je organizovan od strane Federalnog ministarstva unutrašnjih poslova. Obuci je prisustvovao jedan policijski službenik.

- Dana 15-16.05.2023. godine u Mostaru, je održana edukacija u organizaciji Lucid linx kroz projekat UN Women „Pružanje tehničke podrške Federalnom ministarstvu unutrašnjih poslova i najmanje dva kantonalna ministarstva unutrašnjih poslova u osiguranju standardiziranog odgovora na slučajeve nasilja u porodici i nasilja nad ženama u Federaciji Bosne i Hercegovine“, na temu „Postupanje policijskih službenika po prijavama nasilja u porodici i provođenje zaštitnih mjera-trening trenera“, na kojoj je ispred Uprave policije MUP-a USK-a učestvovalo dva policijska službenika.

Odsjek za edukaciju zaprimio je poziv za učešće na sastanku na temu „Unaprijeđenja odgovora na nasilje u porodici“ koji organizuje Misije OSCE-a u Bosni i Hercegovini. Sastanak je održan dana 07.11.2023. godine u Sarajevu, kojem su ispred Uprave policije MUP USK-a prisustvovala dva policijska službenika.

U mjesecu novembru i decembru 2023. godine Odsjek za edukaciju zaprimio je poziv od Udruženja za edukaciju i razvoj „Dignitet“ za učešće na online predavanjima u okviru projekta „Unaprijeđenje pravne i društvene matrice za sprječavanje femicida i rodno zasnovanog nasilja u Bosni i Hercegovini“. Tri policijska službenika su prisustvovala on-line predavanju.

Dana 21 i 22.11.2023. godine održana je konferencija Koordinacionog tijela za prevenciju, zaštitu i borbu protiv nasilja u porodici na temu „Multidisciplinirani pristup prevenciji i borbi protiv nasilja u porodici“. Dva policijska službenika prisustvovala navedenoj konferenciji.

Dana 28.11.2023. godine u Bihaću u organizaciji Udruženja „Žene sa Une“ u sklopu kampanje „16 Dana aktivizma protiv rodno zasnovanog nasilja“ održan je sastanak predstavnika institucija i ustanova koji su uključeni u pružanje zaštite i podrške žrtvama nasilja u porodici. Sastanku prisustvovalo osam policijskih službenika iz svih policijskih stanica na USK-a.

Dana 06.12.2023. godine u Bihaću, Koordinacioni tim za praćenje realizacije Protokola postupanja nadležnih institucija u slučajevima nasilja u porodici za općine USK u saradnji sa Misijom OSCE-a u BiH organizovalo je stručnu edukaciju na temu „Stručni pristup žrtvi nasilja u porodici, sa akcentom na pristup maloljetnicima žrtvama i svjedocima nasilja u porodici. Edukaciji ispred Uprave policije prisustvovalo 8 policijskih službenika.

Dana 20.12.2023. godine u Bihaću održan je sastanak predstavnika OSCE-a BiH i Lucud Linx-a sa 13 predstavnika iz Odsjeka za edukaciju, kabineta Ureda komesara i svih PS na temu „Nasilje u porodici“ i „Unaprijeđenje odgovora na nasilje u porodici“. Na sastanku su razmatrani radni materijali Hodogram za postupanje policije u slučajevima nasilja u porodici te analiza opcija za uvođenje obavezne i certificirane obuke za policijske službenike o postupanju u slučajevima nasilja u porodici.

U poređenju sa 2022. godinom broj krivičnih djela nasilja u porodici (154) je manji za 3, u odnosu na uporedni period (157), dok je povećan broj prekršaja za 3 ili 6,9%.

Nasiljem u porodici najviše su ugrožena područja Grada Cazina gdje je evidentirano 57 krivičnih djela, Grada Bihaća gdje je evidentirano 38 krivičnih djela, Općine Velika Kladuša gdje je evidentirano 30 krivičnih djela, Općine Sanski Most 9 krivičnih djela, Općine Ključ 9 krivičnih djela, Općine Bužim 6 krivičnih djela zatim Grada Bosanska Krupa 4 krivična djela i Općine Bosanski Petrovac 1 krivično djelo.

Evidentirani prekršaji iz Zakona o zaštiti od nasilja u porodici su se dogodili na području Općina Velika Kladuša 32, grada Cazina 7, Grada Bihaća 6 i općine Sanski Most 1.

Neophodno je poboljšati uslove za rad sa žrtvama nasilja u porodici, a nedostaju i prostori za provođenje određenih izrečenih zaštitnih mjera.

U ovoj oblasti ostvarena je dobra saradnja sa vladinim i nevladinim sektorom, a policijski službenici se i dalje educiraju za rad u ovoj oblasti. Žrtve se sve više i češće odlučuju da prijave nasilje, ali su i dalje, kod jednog dijela, prisutne razne zablude i strah, što se može otkloniti proaktivnim djelovanjem svih nadležnih, a ne samo policije.

U cjelini gledano stanje problematike nasilja u porodici na području Unsko-sanskog kantona može se ocijeniti kao **zadovoljavajuće**.

## **B / REZIME**

Problematika nasilja u porodici je u raznovrsnim oblicima prisutna i na Unsko-sanskom kantonu, a njegova brojnost zahtjeva maksimalnu uvezanost i koordinirano zajedničko djelovanje svih nadležnih institucija, kako Unsko-sanskog kantona, tako i cjelokupnog bosansko-hercegovačkog društva.

Posebno je potrebno naglasiti sljedeće:

- Broj KD-a „Nasilje u porodici“ u 2022. godini je u padu za 3 KD-a, u odnosu na 2022. godinu.
- Nasilje u porodici je najizraženije na području Gradova Bihać i Cazin, dok je najmanje izraženo na području Grada Bosanska Krupa i Općine Bosanski Petrovac.
- Pored krivičnih djela iz člana 222.KZ FBiH „Nasilje u porodici“, nasilje u porodici je evidentirano i u grupama krivičnih djela protiv života i tijela, protiv spolne slobode i morala i u grupi krivičnih djela protiv porodice i mladeži.
- U 2023. godini nadležnim sudovima podneseno je 343 zahtjeva za izricanje zaštitnih mjera.
- U 2023. godini sud je na osnov
- u predloženih mjera izrekao 212 zabrana po raznim osnovama.
- Krivično djelo nasilje u porodici u najvećem broju slučajeva vrše muškarci - muževi, a najčešće žrtve su žene - supruge.
- Ohrabruje trend porasta svijesti žrtava da nasilje prijave nadležnim institucijama ali je i dalje evidentna nedovoljna educiranost građana u ovoj oblasti.
- Jedan broj slučajeva „nasilja u porodici“ se iz raznih razloga ne prijavljuje policiji, niti Centrima za socijalni rad, te je neophodan njihov dalji proaktivni rad na njihovom otkrivanju.
- Neophodno je poboljšati i uslove za rad sa žrtvama nasilja kroz opremanje adekvatnih prostorija na svim općinama/gradovima na Unsko-sanskom kantonu.

## **C – Prijedlog mjera**

- ❖ *Nastaviti voditi službene evidencije, te u kontinuitetu nastaviti provoditi aktivnosti policije na prevenciji nasilja u porodici. Intenzivirati aktivnosti prikupljanja saznanja o nasilju u porodici i kada je niskog intenziteta, te usmjeriti adekvatnu pažnju prema ranije evidentiranim počiniocima i porodicama sa već indiciranim nasiljem.*
- ❖ *Nastaviti jačati suradnju sa centrima za socijalni rad, pravosudnim organima i drugim institucijama, te razmjenjivati podatke i usklađivati zajedničko djelovanje sa istim, u skladu sa potpisanim Protokolom iz 2012. godine.*
- ❖ *Intenzivirati edukacije i stručna usavršavanja, kako policije, tako i socijalnih radnika, zdravstvenih radnika, uposlenika u obrazovanju, u pravosudnim organima i sl., kako bi se postigao viši stepen efikasnosti i koordinacije u njihovom radu. Naročito je poželjno organizirati zajedničke edukacije pripadnika navedenih institucija, koji se bave problematikom nasilja u porodici.*
- ❖ *Podatke o pojavama nasilja u porodici i aktivnostima policije prezentirati kroz provođenje različitih aktivnosti policije u zajednici, vodeći računa o zaštiti integriteta žrtve i onemogućavanju nastavka nasilja.*

- ❖ *Educirati i stručno osposobiti za rad po problematici nasilja u porodici što veći broj žena policijskih službenika.*
- ❖ *Intenzivnije raditi na primjeni Zakona o zaštiti od nasilja u porodici, kao i dosljednoj primjeni Pravilnika o načinu provođenja zaštitnih mjera.*
- ❖ *Nastaviti aktivnosti na poboljšanju uslova i adekvatnom opremanju policije za rad u oblasti nasilja u porodici.*

*Obrađivač: Nafka Keserović*

NK/ZP

Načelnik Sektora kriminalističke policije  
Samostalni inspektor policije



Na osnovu člana 93. i 96. stav (2) Poslovnika Skupštine Unsko-sanskog kantona ("Službeni glasnik Unsko-sanskog kantona", broj: 9/17 i 11/21), na prijedlog Vlade Unsko-sanskog kantona, Skupština Unsko-sanskog kantona na ... sjednici, održanoj dana ..... 2024. godine, d o n o s i

## ZAKLJUČAK

### I

Prima se na znanje Informacija o stanju nasilja u porodici na području Unsko-sanskog kantona za 2023. godinu, broj: 05-04/04-1-04-33/24 od 20.2.2024. godine.

### II

Ovaj Zaključak stupa na snagu danom donošenja.

Broj:  
Bihać,

Predsjedavajući Skupštine  
Unsko-sanskog kantona  
Zikrija Duraković